

Dumela. Re a go amogela

Ge o tsenetše nyakišišo ya kalafo, o tlo swanelwa ke go phetha mešongwana e mmalwa. Tekong ye, o tlo šomiša apo ya MyVeeva for Patients go e phetha. Mešongwana yeo e ka akaretša:

- Go saena diforomo tša tumelelo
- Go araba diphatišišo
- Go bona diketelo tše di tlogo le go tsenela diketelo tša bidiyo

Tshedimošo ka moka ye re e kgoboketšago e bolokwa e le sephira gomme e kgona go bonwa feela ke sehlopha sa gago sa nyakišišo.

Gape o ka šomiša apo ya rena 24/7 go dula o bona diketelo tše di sa tlogo le mediro yeo e phethilwego.

Dilo tše o Swanetšego go di Dira

Go laola mešongwana ya gago ya nyakišišo go ka ba boima, ka gona re beile dilo ka moka tše o swanetšego go di dira lefelong letee. Thepo ya Dilo tše o Swanetšego go di Dira e na le dikarolo tše tharo:



- **Lehono:** Diforomo ka moka, diphatišišo, le diketelo tše di bego gona tše o swanetšego go di phetha goba tše o swanetšego go di phetha lehono. Diphatišišo tša Boikgethelo tše di Nyakegago le tšona di ka karolong ye.
- **Gosasa:** Diforomo ka moka, diphatišišo, le diketelo tše o tla swanelwago ke go di phetha gosasa.
- **Diketelo tše di Tlogo:** Dibidiyo tše di sa tlogo goba diketelo ka bowena.

Gore o bone dilo tše o šetšego o di phethile, kgotla konopi ya **Bona tše Phethilwego**.

Naa o palelwa ke go kgotla tše o swanetšego go di dira?



Ge eba o palelwa ke go kgotla selo se o swanetšego go se dira, go ka direga gore selo seo ga se sa hlwa se eba gona. Lebelela letšatšikgwedi le nako ka fase ga thaetlele go bona gore selo seo se tla hwetšagala neng.

Ditsebišo



Ge eba o fane ka aterese ya emeile, re romela ditsebišo ka emeile ge go na le dilo tše o swanetšego go di phetha le ge go fihlile nako ya gore o di phethe.

Naa o šomiša mogala goba thabolete?

Re šišinya gore o laete ditsebišo tša push gore sedirišwa sa gago se go gopotše ge go fihlile nako ya gore o phethe dilo tše o swanetšego go di dira.

Tsela ya go di laeta še:

1. **Bula thepo ya Akhaonto.**
2. **Kgotla Dipeakanyo.**
3. **Kgotla aekhone ya bula**  **kgauswi le Ditsebišo.**
4. **Laeta ditsebišo tša push.** Šomiša dipeakanyo tša sedirišwa sa gago.

Saena Diforomo tša Tumelelo



Pele o ka kgatha tema nyakišišong, o swanetše go saena bonnyane bja foromo e tee ya tumelelo.

Ge eba sehlopha sa nyakišišo se šomiša diforomo tša seelektroniki, o ka di saena o šomiša apo ye. Tsela ya go di saena še:

1. **Bula karolo ya Dilo tše o Swanetšego go di Dira** ✓.
2. **Kgotla foromo.**

Foromo ye notletšwego?



Se se ra gore o ka sekaseka tokomane, eupša ga o na phihlelelo ya go e saena gabjale. O ka swanelwa ke go saena ditokomane tše dingwe pele, goba sehlopha sa nyakišišo se tla go fa khouto ya gore o kgone go e saena.

3. **Bala foromo.**
4. **Saena foromo.** O ka saena foromo ka ye nngwe ya ditsela tše di latelago:
 - Kgotla goba o thepe poloko ya mosaeno gore o saene.
 - Thala mosaeno wa gago lefelong la mosaeno, ke moka o kgotle **Diragatša**.
5. **Romela foromo go sehlopha sa gago sa nyakišišo.** Kgotla **Romela**.

Tsenela Ketelo ya Bidiyo



Ge eba sehlopha sa gago sa nyakišišo se ka go rulaganyetša ketelo ka bidiyo, o ka tsenela ketelo yeo sedirišweng sa gago go e na le go tla kantorong ya sehlopha sa nyakišišo ka bowena.

Ge eba o rulaganyeditšwe ketelo ya bidiyo, tsela ya go tsenela še:

1. Bula **thepo ya Dilo tše o Swanetšego go di Dira** ✓.
2. Kgotla ketelo ya bidiyo ye o nyakago go e tsenela.
3. Kgotla **Tsenela Kopano**.

Araba dipotšišo tša Phatišišo



E le karolo ya nyakišišo, o ka botšišwa dipotšišo ka ga boleng bja bophelo bja gago goba maphelo. O ka araba diphatišišo tše ka apong ye o le kae goba kae. Dikarabo tša gago ke sephiri gomme di tla bonwa feela ke sehlopha sa gago sa nyakišišo.

Ge go na le phatišišo ye mpsha ye e swanetšego go arabja, o tla amogela tsebišo ya yona emeiling ya gago goba go apo.

Tsela ya go araba phatišišo še:

1. **Bula thepo ya Dilo tše o Swanetšego go di Dira** ✓.
2. **Kgotla phatišišo.**
3. **Kgotla GO LOKILE.** Phatišišo e a bula.
4. **Araba dipotšišo tša phatišišo.** YO ka rotogela godimo gore o bone dipotšišo tše o šetšego o di arabile.
5. **Kgotla Romela.** Dikarabo tša gago tša phatišišo di romelwa go sehlopha sa gago sa nyakišišo.

Bakeng sa diphatišišo tše dikgolonyana, ge o ka di thoma pele ga letšatši la tšona, o ka kgona go fela o khutša gomme wa boa ka morago go di feleletša pele ga letšatšikgwedi la tšona le nako.

Ge o ka khutša nakong ya ge o araba phatišišo, ge o boa, o tla di hwetša di sa le gona go Thepo ya Dilo tše o Swanetšego go di Dira gomme go tla ba le **Thomiša gape** ye e ngwadilwego le yona. Ge o kgotla diphatišišo, o tlo tšwela pele moo o feleleditšego gona.

Naa o hloka thušo?



Ge o na le potšišo - hloka pelaelo! O ka kgopela thušo go sehlopha sa gago sa nyakišišo ka nako efe goba efe.

Kgotla konopi ya **Kgopela Thušo ka Nyakišišo** konoping ya thepo ya Nyakišišo .